

后皇嘉树，橘徕服兮。  
受命不迁，生南国兮。  
深固难徙，更壹志兮。  
绿叶素荣，纷其可喜兮。  
曾枝剡棘，圉果抐兮。  
青黄杂糅，文章烂兮。  
精色内白，类任道兮。  
纷缊宜脩，姱而不丑兮。  
嗟尔幼志，有以异兮。  
独立不迁，岂不可喜兮？  
深固难徙，廓其无求兮。  
苏世独立，横而不流兮。  
闭心自慎，终不失过兮。  
秉德无私，参天地兮。  
愿岁并谢，与长友兮。  
淑离不淫，梗其有理兮。  
年岁虽少，可师长兮。  
行比伯夷，置以为像兮。

---